

Les grans et
merueilleux faictz du seigneur
Nemo / avec les priuileges
quil a / et la puissance quil peut
auoir depuis le cōmēcement
du monde iusques a la fin.

Audite verba mea: et viuet anima
vestra. Esaye. 4.

¶ Esaye escript en son liure
Escoutez se vous voulez viure
Deuotes gens qui cy ensemble
Eites ainsi comme il me semble
Pour honneste cause assemblez
Et qui sans mentir me semblent
Etre gens de hautes sciences
Et de tresbonnes consciences
Jay sil vous plaist intention
De faire vne collacion
Jcy non pas pour vous apprendre
Mais pour delectation prendre
Car ie le fais principalement
Pour vostre resiouissement
Or faictes paiz quant ie liray
Ou autrement ie me tairay
Quoy que tout soit sans fiction
Et sauf vostre correction
Seulement me vueil preparer
A celle fin de declarer
L'excellence et le grant renom
Dung tresgrāt seigneur dont le nō
Est Nemo qui tous autres passe.
Audite ergo loco et caplo p̄libatis.
¶ Mais q̄ chacun me dōne espace
Je vous diray a brief parler
Le que de Nemo veut toucher
Nostre dieu ou tout bien abondz
Quant il vint pour former le mōde
Lar il est dit si grant merueille
Que depuis ie men esmerueille.
¶ Premier ie treuve que de faict
Nemo fut quant et les iours faict.
Dies formabuntur et nemo in eis.
Psalmo. 138.
¶ Aussi leuangelie raconte
Qui vault biē quon en face compte
Que nemo auant iesuchrist
Monta au ciel quant il escript.

Nemo ascendit in celum. Jo. 6.

¶ Item iesus monstrans zelum
Quem gerebat dulcissime
Erga neminem maxime
Dixit nemo venit ad me. Jo. 6.

¶ Et quant il fut en la presence
De dieu veit la diuine essence.

Nemo deum vidit. Jo. 4.

¶ Et quonques
Homme nauoit faict / doncques
Faut il dire pour verite
Quil auoit grant auctorite.

¶ De rechief saint pol nous escript
En vne epistole ou il dit
Que nemo peut bien appeller
Le nom Jesus et en parler.

Nemo pōt dicere dñs ies⁹. Loy. 12.

¶ Mais plus ya car ie vous dy
Que nemo fut si tres hardi
Lar quant iuisz noserent prendre
Jesum / il osa entreprendre
Dy mettre hardiment les mains.

Nemo misit in eū manus. Jo. 7.

¶ Encores nest ce que du moins
Lar comme dit nichodemus
En parlant au tresdoulx Jesus
Nemo pouoit telz signes faire
Lōme il faisoit sans luy desplaire.
Nemo potest hec signa facere que
tu facis. Job. 3.

¶ Nemo pour en brief le vous dire
Est si grant et si puissant sire
Que ce q̄ dieu peut clore il oeuvre
Le de quoy dieu faict ouerture.

Deus claudit / et Nemo aperit: aperit
et nemo claudit.

¶ Ne dit pas aussi lescripture
De Job si gy scauoye bien mordre
Que Nemo se peut bien estordre
De la main dieu certes si feist.

Eum sit nemo qui de manu tua pos
sit eruere. Job. 10.

¶ Et saint Jehan aussi q̄ nous dit
Que Nemo la ioye oiteroit
Aux disciples quant il voudroit
De laquelle Jesus parloit.

Gaudium vestrum Nemo tollet a
vobis. Job. 16.

¶ Nully si ne se deneroit
Esmerveiller pour vng tel cas.

Les grans et merueilleux faictz du feigneur Nemo /
avec les priuilleges quil a / & la puissance quil peult
auoir depuis de le cômẽcement du monde iusque a la
fin.

Jean d'Abundance



s.n.

Exporté de Wikisource le 14 juillet 2026

Les grans et merueilleux faictz du seigneur Nemo / avec les priuileges quil a / & la puissance quil peult auoir depuis le cōmēcement du monde iusques a la fin.

Audite verba mea : et vivet anima vestra.

¶ Efaye escript en son liure
Escoutez se vous voulez viure
Deuotes gens qui cy ensemble
Estes ainſi comme il me semble
Pour honneſte cauſe aſſemblez
Et qui ſans mentir me ſemblez
Eſtre gens de haultes ſciences
Et de trelbonnes conſciences
Jay ſil vous plaist intention
De faire vne collacion
Icy non pas pour vous apprendre
Mais pour delectation prendre
Car ie le fais principalement
Pour voſtre reſiouiſſement
Or faictes paix quant ie liray
Ou autrement ie me tairay
Quoy que tout ſoit ſans fiction
Et ſauf voſtre correction
Seulement me vueil preparer
A celle fin de declarer
Lexcellence et le grant renom
Dung trefgrāt ſeigneur dont le nō
Eſt Nemo qui tous autres paſſe.
Audite ergo loco & capl'o p̃libatis.
¶ Mais q̃ chacun me dōne eſpace
Je vous diray a brief parler
Ce que de Nemo veult toucher
Noſtre dieu ou tout bien abonde
Quant il vint pour former le mōde
Car il eſt dit ſi grant merueille
Que depuis ie men eſmerueille.

¶ Premier ie treuve que de faict
Nemo fut quant et les iours faict.
Dies formabuntur et nemo in eis.
¶ Auffi leuangille raconte
Qui vault biẽ quon en face compte
Que nemo auant iesuchrift
Monta au ciel quant il escript.
Nemo ascendit in celum.
¶ Item iesus monstrans zelum
Quem gerebat dulcissime
Erga neminem maxime
Dixit nemo venit ad me.
¶ Et quant il fut en la presence
De dieu veit la diuine essence.
Nemo deum vidit.
¶ Ce quoncques
Homme nauoit faict / doncques
Fault il dire pour verite
Quil auoit grant auctorite.
¶ Derechief saint pol nous escript
En vne epistole ou il dit
Que nemo peult bien appeller
Le nom Jesus et en parler.
Nemo pōt dicere dñs ief⁹.
¶ Mais plus ya car ie vous dy
Que nemo fut il tref hardi
Car quant iuifz noserent prendre
Jesum / il osa entreprendre
Dy mettre hardiment les mains.
Nemo misit in eũ manus.
¶ Encores nest ce que du moins
Car comme dit Nichodemus
En parlant au trefdoulx Jesus
Nemo pouoit telz signes faire
Cōme il faisoit sans luy desplaire.
Nemo potest hec signa facere que tu facis.

¶ Nemo pour en brief le vous dire
Est si grant et si puissant fire
Que ce q̃ dieu peult clorre il œuure
Ce de quoy dieu faict ouuerture.
Deus claudit / et Nemo aperit : aperit et nemo claudit.
¶ Ne dit pas aussi lescripture
De Job si gy scauoye bien mordre
Que Nemo se peult bien estordre
De la main dieu certes si feist.
Cum sit nemo qui de manu tua possit eruere.
¶ Et saint Jehan aussi q̃ nous dit
Que Nemo la ioye osteroit
Aux disciples quant il vouldroit
De laquelle Jesus parloit.
Gaudium vestrum Nemo tollet a vobis.
¶ Nully si ne se deuerait
Esmerueiller pour vng tel cas.
¶ Saït Jehã dit en ce mesme pas
Que Nemo a dieu osterait
Son ame quant il luy plairoit.
Et Nemo tollet a me aiam meam.
¶ Pour scauoir dōt telle puissance
Luy vint / fachez que sa naissance
Ou au moins son commencement
Si vint des roys premierement.
Nẽo ex regib⁹ habuit iniũ.
¶ Aussi dit ailleurs lescripture
Que Nemo est de telle nature
Si est que sa propre personne
Peult porter de fait la couronne
Entre tous les roys terriens.
In omnibus regibus Nemo portabit dyadema : et Nemo
accipiet coronam.
¶ Et ie ne mesbahis de riens
Se Nemo a tant dauantage

Veu que les gens de son lignage
Sont moult prizez et honnorez
Et en auctorite trouuez
Du saint archange Gabriel
Qui annonca dit bien et bel
A dame Elizabeth ainfin
Que Nemo estoit son coufin.
Nemo est in cognatiõe tua.
¶ Item ie puis bien reciter
Qua dieu ne peult nul resister
Que Nemo tout a beau deliure
Tefmoing Job / difant en son liure
Deus cui⁹ ire resistere Nemo põt.
¶ Pluffort lescripture raconte
Du bon homme et nous compte
Parlât des choses qui sont faictes
Que se dieu les auoit deffaictes
Nemo les peult edifier
Si destruxerit deus : Nemo est qui edificet.
¶ Auffi dieu mercy et la vostre
Auffi vray que la patenostre
Il est tenu comme ientens
Combatre a ses propres despens
Nẽo pprus sũptib⁹ militare tenẽt.
¶ Auffi dit biẽ dieu / fans doubtaẽce
Que Nemo est de telle vaillance
Quil faict les gens deuant fuyr
Quant luy plaist les pourfuiuyr.
Fugit impius nemine perfequẽte.
¶ Jesus dit quil faict bien pluffort
Car il peult raur par effort
Les ouailles de la main
De dieu le pere souuerain.
Nemo potest rapere oues de manu patris mei.
¶ Saint Luc si a mention faicte
Quil est en son pays prophete.

Nemo propheta acceptus est in patria sua.

¶ Nemo / ne vueille a nul desplaire

Entre les choses qui veult faire

Selon poetique escripture

Il peult tollir don de nature.

Qd natura dedit : nemo tollere pōt

¶ Et chaton dit que de peche

Nemo ne peult estre entache.

Nemo sine crimine viuit.

¶ Et li respont quil est de faict

Quāt on lappelle amy parfaict.

Nemo respondet amicus.

¶ En ce mesme liure est escript

De luy / en vng verset qui dit

Que Nemo se peult esiouyr

Et de ioie longuement iouyr

Comme il appert par ce couplet

Qui dit / Nemo diu gaudet.

¶ Qui est vng grant hōneur a luy

Et dautre coste cest celui

Qui a plusgrande charite.

Maiores charitates nemo habet.

¶ Aussi a il subtilite

Destre aux iustes apperceuant

Dont sainte eglise va chantant.

Ecce quomodo moritur iustus : et nemo percipit corde.

¶ Item son engin nest pas rude

Car la tresgrant multitude

Dōt fait iehan parle / en lapocalypse

Pouoit nombrer de fil en lice.

Vidi turbam magnam quam dinumerare nemo poterat.

¶ Ne dit pas aussi Priscien

Maître de grammaire ancien

Que nemo fut son compaignon.

Neminem inquit Priscianus inueni socium.

¶ Pour dieu cheres gēs or penson

Biẽ en noz cueurs ã cest grãt signe
Que Nemo soit perſonne digne
Quant le liure des ſept ſeaulx clos
Fut / par luy ouuert et deſclos
Dont lapocalypſe faict compte.
Nemo dignus inuentus eſt aperire librum.
¶ Mais entre les faictz ã ie cõpte
Ne doy oublier ce me ſemble
Ce qua ſes diſciples enſemble
Dit Jeſuchriſt / qui ſen allaſſent
Par le pays / Nemo ſaluaffent
Silz le trouuoient en leur voye.
Neminẽ ſalutaueritis ã via.
¶ Et a aucuns dit touteſuoye
En ſa tranſfiguration
Fiſt il expreſſe iniunction
De la verite reueler
A Nemo / ſans ia luy celer.
Nemini dixeritis viſionẽ.
¶ Meſme ce fut vng grãt hõneur
Que fiſt Jeſus noſtre ſeigneur
A Nemo / quant il demandoit
A la femme qui prinſe eſtoit
En adultere / ou eſtoient
Ceulx qui de ce faict laccuſoyent
Et quelle reſpondit Nemo
Car alors luy dit Jeſus/ho
Puis que Nemo eſt iceluy
Je ny touche par deſſus luy.
Nemo domine : nec ego te condemnabo.
¶ Item le faict je vous ramaine
De la femme ſamaritaine
A laquelle Jeſus parla
Empres le puyſ ou il alla
Auquel ſes diſciples noſerent

Demander / quant ilz retournerent
Devers luy / quil luy avoit dit
Et Nemo hardiment le fist.
Nemo dixit quid queris : aut quid loqueris cum ea.
¶ Sōme les faictz fōt vng abisme
Dont iamais ne scauroye la difme
Suffisamment vous relater
Et ne cessasse huy den parler.
¶ Je vous ose encore bien dire
Que quant Jefuchrist nostre sire
A les disciples racomptoit
Que au temps lors quil sen alloit
A cil qui lavoit enuoye
Par nemo fut interrogué.
Vado ad eū q̃ me misit : et nemo interrogat me quo vadis.
¶ Encore vous vueil bien parler
De ce que Jesus dit ce foy
En parlant aux iuifz / de la loy
Et de Moyse le prophete
Disant que Nemo lavoit faicte
Nemo (inquit Moyse) dedit vobis legē : τ Nemo facit legē.
¶ Que Nemo est chose bien clere
Peult faire loy comme emperiere
Et combien quil soit seigneur grāt
Si met il bien la main pourtant
A la charue pour labourer
Et derriere foy regarder
Pour estre abille a paruenir
Au regne qui ne peult finir.
Nemo mittēs manū ad aratrū : τ respiciēs retro apt⁹ ē regno di.
¶ Encore vous dy ie sans fable
Que Nemo est plus seruiable
En leglise et plus diligens
Que ne fōt beaucoup dautres gēs
Car il y scet bien allumer
La lampe / et il scet bien chanter

Nemo accendit lucernam.
Nẽo poterat diceĩ cãticũ.
Nemo les ouuriers qui chomoient
Loua / quant les autres alloient
En la vigne pour labourer
Dont faĩt Mathieu voulut parler
Au texte de son euangille
Car quant le pere de famille
Les enquist pour quoy ilz estoient
Ainĩ oyseulx / ilz respondirent
Quauec luy ne feroient ilz mye
Et que nemo sans menterie
Pour ce iour les auoit louez.
Responsum dederũt ei : quia nemo nos conducit.
¶ Po^r dieu messeigneurs or oyez
Dudit Nemo que ce peult estre
Car il peult biẽ a plus dũg maĩstre
Seruir / fil luy plaifoit le faire
Sans a nul deulx estre contraire.
Nemo potest duobus dominis seruire.
¶ Ne met pas aũĩ saint Lucas
De nemo vng merueilleux cas
Lequel si nous est demonstrable
Que nemo fut tant charitable
Qua vng poure qui avoit fain
Donna des miettes de pain
Cheans de la table du riche
Qui tant estoit auar et chiche
Quil ne luy en vouloit donner
Mais cil nemo abandonner
Luy en voulut piteusement.
Erat quidẽ pauper cupiens recreari de micis que cadebant de
menſa divitis : et nemo illi dabat.
¶ Nemo aũĩ pareillement
Pour ses merites et deuoir

Selon les droictz peult bien auoir
 Sans bigamie ce me semble
 Deux femmes espousees ensemble
 Nemini liceat duas uxores habere
 ¶ Vrayemēt cheres gēs q̃ biē pēse
 A nemo / et son excellence
 Je cuide quil sen esmerueille
 Car nul ne fait chose pareille
 Quil peult vendre et aliener
 Les corps sainctz / τ en marchāder
 Licitement et a sa guise
 Et des trefors de sainte eglise.
 Nemo martyres distrahat. Nemo mercet' de sacrificiis ecclesiasticis.
 ¶ Nemo nest pas a condēner
 Seigneurs / car il peult contēner
 Les lyens dont leglise lye.
 Nemo cōtēnat vincula eccl'iaistica.
 ¶ Pluffort / nemo nul ne le nye
 Si peult bien excommunier
 Et dexcommuniment lyer
 Sans cause / es lectres autentiqs.
 Nemo potest excōicari sine causa.
 ¶ Et aux bulles apostoliques
 Ny est il pas par motz exprès
 Escript / si est ou assez pres
 Que nemo peult estre licite
 Les rompre qui nest pas petite.
 Nostre igit' presentis concessionis paginam nemini liceat infringere.
 ¶ Les roys aussi et autres princes
 Et les presidens des provinces
 Quant ilz recoiuent les sergens
 Des conseillers et autres gens
 Ne les font il pas iurer / si font
 Que a nemo ilz reueleront
 Les secretz / et senquis iestoye
 Pour cela / ie leur respondroye

Que cest pour ce quil ne mourra
Poït / mais touſio^rs vif demourra
Nemo est q̃ sēp viuat.

¶ Que voulez vous q̃ ie vous dye
Cest vne droicte melodie
Que de nemo et de ses faictz
Dont nen scauroye dire huy mais
Et si en diray encore vng
Qui entre les clerchez est commun
Et qui est si grant que sans faulte
Je mesmerueille / aussi est haulte
La chose dont dieu escondit
Ses disciples / quant il leur dit
Que a eulx scauoir nappartenoit
Quant la fin du monde seroit
Quon dit du iugement le iour
Mais il leur dit lors sans seiour
Que ne nemo sy le scauoit bien.
De die autem illo vel hora nemo scit.

¶ Somme toute ie croy et tien
Que se dung moys ie ne cessoye
Den parler / pas ie ne diroye
De nemo tout ce quon en treuue
En chacun liure qui lappreuue
Mesme saint Pol si nous racōpte
Nemo par vain langaige et cōpte
Peult seduire les gens en brief
Et les mettre en voye de meschief
Nemo vos seducat inanib⁹ verbis.

¶ Nemo peult bien sans contredit
Resister en faict et en dit
A ses ennemys sans doubter
Sans quilz le puissent rebouter.
Nemo inimicis audebit resistere.

¶ Itē saint Jehā dit que nul hōme

Ne peult auffi bien befongner
De nuyt / quõ doit prẽdre son fõme
Que nemo / fil y veult foigner.
Venit nox cũ nẽo opari põt.
¶ Messeigneurs pourtāt ie ꝑclus
Par ce que iay dit cy deffus
Priant le filz de la pucelle
Quil nous doint la vie eternelle
Quant son rigoureux examen
Sera tenu / dictes Amen.
¶ Laus deo.

À propos de cette édition électronique

Ce livre électronique est issu de la bibliothèque numérique [Wikisource](#)^[1]. Cette bibliothèque numérique multilingue, construite par des bénévoles, a pour but de mettre à la disposition du plus grand nombre tout type de documents publiés (roman, poèmes, revues, lettres, etc.)

Nous le faisons gratuitement, en ne rassemblant que des textes du domaine public ou sous licence libre. En ce qui concerne les livres sous licence libre, vous pouvez les utiliser de manière totalement libre, que ce soit pour une réutilisation non commerciale ou commerciale, en respectant les clauses de la licence [Creative Commons BY-SA 3.0](#)^[2] ou, à votre convenance, celles de la licence [GNU FDL](#)^[3].

Wikisource est constamment à la recherche de nouveaux membres. N'hésitez pas à nous rejoindre. Malgré nos soins, une erreur a pu se glisser lors de la transcription du texte à partir du fac-similé. Vous pouvez nous signaler une erreur à [cette adresse](#)^[4].

Les contributeurs suivants ont permis la réalisation de ce livre :

- Girart de Roussillon
- VIGNERON
- Tomthepsg
- Marc
- TptBot
- M0tty
- Favete linguistis
- Moyogo
- Toto256
- BnFBoT
- Phe-bot
- Hsarrazin

- Le ciel est par dessus le toit
- Cantons-de-l'Est
- *j*jac

-
1. [↑ http://fr.wikisource.org](http://fr.wikisource.org)
 2. [↑ http://creativecommons.org/licenses/by-sa/3.0/deed.fr](http://creativecommons.org/licenses/by-sa/3.0/deed.fr)
 3. [↑ http://www.gnu.org/copyleft/fdl.html](http://www.gnu.org/copyleft/fdl.html)
 4. [↑ http://fr.wikisource.org/wiki/Aide:Signaler_une_erreur](http://fr.wikisource.org/wiki/Aide:Signaler_une_erreur)